



P R A V I L N I K
o finansijskim izvještajima političkih stranaka

Sarajevo, februar 2026. godine

Na osnovu člana 12. stav (4) Zakona o finansiranju političkih stranaka („Službeni glasnik BiH“, broj 95/12 i 41/16) i člana 15.2 stav (1) Izbornog zakona Bosne i Hercegovine („Službeni glasnik BiH“, br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 51/22, 67/22 i 24/24), Centralna izborna komisija Bosne i Hercegovine je na 17. sjednici, održanoj 26. 2. 2026. godine, donijela

P R A V I L N I K

o finansijskim izvještajima političkih stranaka

POGLAVLJE I - UVODNE NAPOMENE

Član 1. **(Primjena)**

Pravilnikom o finansijskim izvještajima političkih stranaka (u daljnjem tekstu: Pravilnik) utvrđuje se način podnošenja godišnjeg finansijskog izvještaja, predizbornog finansijskog izvještaja, postizbornog finansijskog izvještaja i izvještaja o prometu posebnog računa za finansiranje izborne kampanje političkih stranaka, sadržaj i forma finansijskih izvještaja, kontrola finansijskih izvještaja koje su političke stranke obavezne podnositi Centralnoj izbornoj komisiji Bosne i Hercegovine (u daljnjem tekstu: Centralna izborna komisija BiH) i način pristupa javnosti informacijama koje su sadržane u izvještajima o pregledu i reviziji i finansijskim izvještajima političkih stranaka.

Član 2. **(Obim primjene)**

Odredbe ovog pravilnika odnose se na sve političke stranke koje su u skladu sa Zakonom registrirane kod nadležnog organa u Bosni i Hercegovini (u daljnjem tekstu: BiH).

POGLAVLJE II - NAČIN PODNOŠENJA GODIŠNJEG FINANSIJSKOG IZVJEŠTAJA

Član 3. **(Način podnošenja)**

(1) Političke stranke podnose Centralnoj izbornoj komisiji BiH godišnji finansijski izvještaj za svaku kalendarsku (računovodstvenu) godinu u elektronskoj formi putem aplikacije FI CIK BiH (u daljnjem tekstu: aplikacija). Potvrdu o podnesenom godišnjem finansijskom izvještaju i odštampane obrasce finansijskog izvještaja u PDF formatu ovjerene potpisom ovlaštenog lica i pečatom političke stranke dostavljaju Centralnoj izbornoj komisiji BiH i u tvrdjnoj kopiji.

(2) Centralna izborna komisija BiH može zatražiti od političkih stranaka podnošenje i dodatnih finansijskih izvještaja, dokumenata, objašnjenja i informacija, ako ih smatra neophodnim za potpuno i tačno obavljanje revizije.

Član 4. (Rokovi)

(1) Finansijski izvještaj iz člana 3. stav (1) ovog pravilnika podnose sve političke stranke do 31. marta za prethodnu godinu.

(2) Zajedno s ovim izvještajem, političke stranke obavezne su dostaviti i godišnje obračune ovjerene od nadležnih institucija u BiH i program utroška sredstava političke stranke za tekuću godinu potpisan i ovjeren pečatom političke stranke.

Član 5. (Obrasci godišnjeg finansijskog izvještaja)

(1) Godišnji finansijski izvještaj političkih stranaka iz člana 3. stav (1) ovog pravilnika podnosi se na obrascima koji su sastavni dio ovog pravilnika, a to su:

- | | |
|--|--------------|
| a) Opći podaci o političkoj stranci | Obrazac 1 |
| 1) Teritorijalna organizacija političke stranke | Obrazac 1.1. |
| b) Pregled prometa novčanih sredstava političke stranke | |
| 1) Pregled prometa svih transakcijskih računa političke stranke | Obrazac 2 |
| 2) Pregled prometa blagajne | Obrazac 2.1. |
| c) Izvori finansiranja političke stranke | Obrazac 3 |
| 1) Članarine | Obrazac 3.1. |
| 2) Prilozi fizičkih lica | Obrazac 3.2. |
| 3) Prilozi pravnih lica | Obrazac 3.3. |
| 4) Prihodi od imovine u vlasništvu političke stranke | Obrazac 3.4. |
| 5) Dobit pravnih lica u vlasništvu političke stranke | Obrazac 3.5. |
| 6) Nenovčane donacije i računi koje politička stranka nije imala obavezu platiti | Obrazac 3.6. |
| 7) Prihodi iz budžeta | Obrazac 3.7. |
| 8) Prihodi od izdavačke djelatnosti, prodaje propagandnog materijala i prihodi od organiziranja stranačkih manifestacija | Obrazac 3.8. |
| 9) Ostali prihodi | Obrazac 3.9. |
| d) Rashodi političke stranke | Obrazac 4 |
| 1) Režijsko-administrativni i ostali troškovi | Obrazac 4.1. |
| 2) Troškovi propagande | Obrazac 4.2. |
| e) Obaveze političke stranke | Obrazac 5 |
| 1) Obaveze političke stranke po kreditima i pozajmicama | Obrazac 5.1. |
| 2) Ostale obaveze političke stranke | Obrazac 5.2. |

(2) Nakon što politička stranka unese podatke u obrasce o godišnjem finansijskom izvještaju u aplikaciju, dužna je da dostavi Centralnoj izbornoj komisiji BiH odštampan godišnji finansijski izvještaj, u PDF formatu, ovjeren potpisom ovlaštenog lica i pečatom političke stranke, kao i potvrdu o podnesenom izvještaju iz aplikacije.

Član 6. (Potvrda o primljenom prilogu)

(1) Politička stranka je dužna svakom fizičkom i pravnom licu (u daljnjem tekstu: donator) od kojeg je primila članarinu ili prilog izdati potvrdu u kojoj su sadržani sljedeći podaci: naziv

političke stranke, serijski broj potvrde, ukupan iznos članarine/priloga, ime i prezime/naziv donatora, broj ličnog dokumenta/identifikacioni broj donatora, adresa i mjesto prebivališta/sjedišta donatora, datum uplate, datum izdavanja potvrde i potpis ovlaštenog lica.

(2) Potvrda iz stava (1) ovog člana izdaje se u dva (2) primjerka, od kojih se jedan primjerak daje donatoru, a drugi zadržava politička stranka.

(3) Centralna izborna komisija BiH može zahtijevati da politička stranka dostavi kopije izdatih potvrda.

POGLAVLJE III - NAČIN PODNOŠENJA PREDIZBORNOG I POSTIZBORNOG FINANSIJSKOG IZVJEŠTAJA I IZVJEŠTAJA O PROMETU POSEBNOG RAČUNA ZA FINANSIRANJE IZBORNE KAMPANJE

Član 7. (Način podnošenja)

(1) Političke stranke koje učestvuju na izborima za organe vlasti u Bosni i Hercegovini na svim nivoima dužne su Centralnoj izbornoj komisiji BiH podnijeti:

- a) finansijski izvještaj koji obuhvata period koji počinje tri mjeseca prije dana podnošenja prijave za ovjeru i završava danom podnošenja prijave za ovjeru (predizborni izvještaj);
- b) izvještaj o prometu posebnog računa za finansiranje izborne kampanje s podacima o izvorima novčanih i nenovčanih donacija, troškovima izborne kampanje i računima dobavljača;
- c) dodatni finansijski izvještaj za period od dana podnošenja prijave za ovjeru do dana ovjere izbornih rezultata (postizborni izvještaj).

(2) Političke stranke finansijske izvještaje iz stava (1) ovog člana podnose Centralnoj izbornoj komisiji BiH u elektronskoj formi putem aplikacije.

(3) Potvrdu o podnesenim finansijskim izvještajima i odštampane obrasce finansijskih izvještaja iz stava (1) tačka a) i c) ovog člana, u PDF formatu, ovjerene potpisom ovlaštenog lica i pečatom političke stranke, političke stranke dostavljaju Centralnoj izbornoj komisiji BiH i u tvrdoj kopiji.

(4) Potvrdu o podnesenom finansijskom izvještaju i odštampane obrasce finansijskog izvještaja iz stava (1) tačka b) ovog člana, u PDF formatu, ovjerene potpisom ovlaštenog lica i pečatom političke stranke, političke stranke dostavljaju Centralnoj izbornoj komisiji BiH putem e-maila.

(5) Centralna izborna komisija BiH može zatražiti od političkih stranaka podnošenje i dodatnih finansijskih izvještaja, dokumenata, objašnjenja i informacija, ako ih smatra neophodnim za potpuno i tačno obavljanje revizije.

Član 8. (Rokovi)

(1) Finansijski izvještaj iz člana 7. stav (1) tačka a) ovog pravilnika podnose sve političke stranke u vrijeme podnošenja prijave za ovjeru za učešće na izborima.

(2) Finansijski izvještaj iz člana 7. stav (1) tačka b) podnosi se tri dana prije dana održavanja izbora.

(3) Finansijski izvještaj iz člana 7. stav (1) tačka c) ovog pravilnika podnose sve političke stranke koje su učestvovala na izborima, u roku od 30 dana od dana kada Centralna izborna komisija BiH objavi konačne izborne rezultate.

Član 9.

(Obrasci predizbornog i postizbornog finansijskog izvještaja)

(1) Finansijske izvještaje iz člana 7. stav (1) tačka a) i tačka c) ovog pravilnika političke stranke podnose na obrascima koji su sastavni dio ovog pravilnika, a to su:

- | | |
|--|--------------|
| a) Opći podaci o političkoj stranci | Obrazac 1 |
| 1) Teritorijalna organizacija političke stranke | Obrazac 1.1. |
| b) Pregled prometa novčanih sredstava političke stranke | |
| 1) Pregled prometa svih transakcijskih računa političke stranke | Obrazac 2 |
| 2) Pregled prometa blagajne | Obrazac 2.1. |
| c) Izvori finansiranja političke stranke | Obrazac 3 |
| 1) Članarine | Obrazac 3.1. |
| 2) Prilozi fizičkih lica | Obrazac 3.2. |
| 3) Prilozi pravnih lica | Obrazac 3.3. |
| 4) Prihodi od imovine u vlasništvu političke stranke | Obrazac 3.4. |
| 5) Dobit pravnih lica u vlasništvu političke stranke | Obrazac 3.5. |
| 6) Nenovčane donacije i računi koje politička stranka nije imala obavezu platiti | Obrazac 3.6. |
| 7) Prihodi iz budžeta | Obrazac 3.7. |
| 8) Prihodi od izdavačke djelatnosti, prodaje propagandnog materijala i prihodi od organiziranja stranačkih manifestacija | Obrazac 3.8. |
| 9) Ostali prihodi | Obrazac 3.9. |
| d) Rashodi političke stranke | Obrazac 4 |
| 1) Režijsko-administrativni i ostali troškovi | Obrazac 4.1. |
| 2) Troškovi propagande | Obrazac 4.2. |
| e) Obaveze političke stranke | Obrazac 5 |
| 1) Obaveze političke stranke po kreditima i pozajmicama | Obrazac 5.1. |
| 2) Ostale obaveze političke stranke | Obrazac 5.2. |

(2) Nakon što politička stranka unese podatke u obrasce o predizbornim i postizbornim finansijskim izvještajima u aplikaciju, dužna je da dostavi Centralnoj izbornoj komisiji BiH odštampan predizborni i postizborni finansijski izvještaj, u PDF formatu, ovjerene potpisom ovlaštenog lica i pečatom političke stranke, kao i potvrdu o podnesenom izvještaju iz aplikacije.

Član 10.

(Obrasci izvještaja o prometu posebnog računa za finansiranje izborne kampanje)

(1) Finansijski izvještaj iz člana 7. stav (1) tačka b) ovog pravilnika političke stranke podnose na obrascima koji su sastavni dio ovog pravilnika, a to su:

- | | |
|-------------------------------------|-----------|
| a) Opći podaci o političkoj stranci | Obrazac 1 |
|-------------------------------------|-----------|

b) Pregled prometa svih transakcijskih računa političke stranke	Obrazac 2
c) Prilozi fizičkih lica	Obrazac 3.2.
d) Prilozi pravnih lica	Obrazac 3.3.
e) Nenovčane donacije i računi koje politička stranka nije imala obavezu platiti	Obrazac 3.6.
f) Troškovi propagande	Obrazac 4.2.
g) Podaci o računima dobavljača	Obrazac 4.2D

(2) Nakon što politička stranka unese podatke u obrasce o izvještaju o prometu posebnog računa za finansiranje izborne kampanje u aplikaciju, dužna je da dostavi obrasce Centralnoj izbornoj komisiji BiH putem e-maila, u PDF formatu, ovjerene potpisom ovlaštenog lica i pečatom političke stranke, kao i potvrdu o podnesenom izvještaju iz aplikacije.

POGLAVLJE IV - SADRŽAJ I FORMA FINANSIJSKIH IZVJEŠTAJA

Član 11.

(Popunjavanje obrazaca)

(1) Prilikom podnošenja godišnjeg finansijskog izvještaja, politička stranka dužna je podnijeti popunjene sve obrasce navedene u članu 5. ovog pravilnika.

(2) Prilikom podnošenja predizbornog i postizbornog finansijskog izvještaja, politička stranka dužna je podnijeti popunjene sve obrasce navedene u članu 9. ovog pravilnika.

(3) Prilikom podnošenja izvještaja o prometu posebnog računa za finansiranje izborne kampanje, politička stranka dužna je podnijeti popunjene sve obrasce navedene u članu 10. ovog pravilnika.

(4) Obrasci se moraju tačno i precizno popuniti.

(5) Tačnost i potpunost podataka u svakom obrascu svojim potpisom ovjerava predsjednik političke stranke ili ovlašteno lice koje je odgovorno za vođenje poslovnih knjiga političkih stranaka, podnošenje finansijskih izvještaja i koja je ovlaštena da kontaktira s Centralnom izbornom komisijom BiH.

Član 12.

(Ovlašteno lice za podnošenje finansijskih izvještaja)

(1) Politička stranka obavezna je imenovati ovlašteno lice koja je odgovorno za vođenje poslovnih knjiga političke stranke, podnošenje finansijskih izvještaja i koje je ovlašteno da kontaktira s Centralnom izbornom komisijom BiH.

(2) Politička stranka obavještava Centralnu izbornu komisiju BiH o imenovanju ovlaštenog lica iz stava (1) ovog člana u roku od 15 dana od njegovog imenovanja i u slučaju bilo kakve promjene statusa tog lica dužna je u roku od 15 dana obavijestiti Centralnu izbornu komisiju BiH o toj promjeni.

(3) Ovlašteno lice iz stava (1) ovog člana obavezno je kontinuirano se educirati u skladu s planom i programom edukacije koji donosi Centralna izborna komisija BiH.

Član 13.
(Opći podaci o političkoj stranci)

U Obrazac 1. *Opći podaci o političkoj stranci*, unose se svi podaci o političkoj stranci na koju se finansijski izvještaj odnosi, i to:

- a) naziv političke stranke pod kojim je registrirana kod nadležnog suda,
- b) skraćeni naziv,
- c) sjedište, adresa, telefon, faks, e-mail adresa i web-stranica,
- d) identifikacioni broj dobiven od nadležnog poreznog organa,
- e) šifra djelatnosti,
- f) sud u kojem je izvršena registracija,
- g) broj i datum upisa u sudski registar,
- h) broj zaposlenih u političkoj stranci,
- i) lice ovlašteno za zastupanje političke stranke: ime i prezime, dužnost u stranci i adresa,
- j) ovlašteno lice za finansijske izvještaje: ime i prezime, adresa, e-mail adresa i telefon i
- k) da li politička stranka ima organizacione dijelove nižeg nivoa (odgovor DA ili NE).

Član 14.
(Teritorijalna organizacija političke stranke)

U Obrazac 1.1., *Teritorijalna organizacija političke stranke*, unose se za sve nivoe organiziranja (glavni uredi, entitetske, kantonalne, općinske i druge organizacije) sljedeći podaci:

- a) naziv organizacionog dijela političke stranke i
- b) adresa, telefon i faks.

Član 15.
(Pregled prometa svih transakcijskih računa političke stranke)

U Obrazac 2. *Pregled prometa svih transakcijskih računa političke stranke*, unose se sljedeći podaci:

- a) naziv organizacionog dijela političke stranke,
- b) broj računa,
- c) naziv banke,
- d) početno stanje računa na dan početka perioda za koji se podnosi finansijski izvještaj, odnosno ako je račun otvoren nakon tog datuma, stanje na dan otvaranja računa,
- e) ukupan promet ulaza bez početnog salda (u izvještajnom periodu),
- f) ukupan promet izlaza (u izvještajnom periodu) i
- g) stanje na dan završetka perioda za koji se podnosi finansijski izvještaj, odnosno u slučaju da je račun ranije ugašen, do momenta gašenja računa.

Član 16.
(Pregled prometa blagajne)

U Obrazac 2.1., *Pregled prometa blagajne*, unose se sljedeći podaci:

- a) naziv organizacionog dijela političke stranke,
- b) saldo blagajne na početku perioda,
- c) ukupni promet ulaza u blagajnu,
- d) ukupni promet izlaza iz blagajne i
- e) saldo blagajne na kraju perioda.

Član 17.
(Izvori finansiranja)

(1) U Obrazac 3. *Izvori finansiranja*, unose se sljedeći podaci:

- a) Članarine (detalji u Obrascu 3.1.)
 - 1) ukupno naplaćena članarina u KM
 - 2) broj članova stranke koji su platili članarinu
- b) Prilozi fizičkih lica i članova političke stranke (detalji u Obrascu 3.2.)
 - 1) ukupan iznos naplaćen u KM
- c) Prilozi pravnih lica (detalji u Obrascu 3.3.)
 - 1) ukupan iznos naplaćen u KM
- d) Prihodi od imovine u vlasništvu političke stranke (detalji u Obrascu 3.4.)
 - 1) ukupan iznos ostvarenog prihoda u KM

Na ovu poziciju unosi se iznos ostvarenog prihoda u izvještajnom periodu.
- e) Dobit pravnih lica u vlasništvu političke stranke (detalji u Obrascu 3.5.)
 - 1) ukupan iznos ostvarenog prihoda u KM
- f) Nenovčane donacije i računi koje politička stranka nije imala obavezu platiti (detalji u Obrascu 3.6.)
 - 1) ukupan iznos ostvarenog prihoda u KM
- g) Prihodi iz budžeta (detalji u Obrascu 3.7.)
 - 1) ukupan iznos ostvarenog prihoda u KM
- h) Prihodi od izdavačke djelatnosti, prodaje propagandnog materijala i prihodi od organiziranja stranačkih manifestacija (detalji u Obrascu 3.8.)
 - 1) ukupan iznos ostvarenog prihoda u KM
- i) Ostali prihodi u izvještajnom periodu (detalji u Obrascu 3.9.)
 - 1) ukupan iznos ostalih prihoda u KM
- j) Ukupni prihodi političke stranke u izvještajnom periodu u KM.

(2) Ako politička stranka ostvari prihod koji nije obuhvaćen u članu 17. stav (1) tačka od a) do h) Pravilnika ili ostvari koristi od aktivnosti subjekata koji su na bilo koji način povezani s političkom strankom ili su pod njenom kontrolom, dužna je takve prihode iskazati u obrascu 3.9. *Ostali prihodi* finansijskog izvještaja.

(3) Ako politička stranka ne raspolaže podacima iz kojih se može utvrditi identitet donatora, smatrat će se da je stranci prilog dao anonimni donator.

(4) Novčana sredstva koja jedan organizacioni dio prenosi drugom organizacionom dijelu unutar političke stranke ne smatra se prihodom iz stava (1) ovog člana i ne iskazuje se u finansijskom izvještaju.

Član 18.
(Članarine)

U Obrazac 3.1.. *Članarine*, unose se sljedeći podaci:

- a) naziv organizacionog dijela političke stranke,
- b) ukupan iznos članarine koju je organizacioni dio političke stranke primio i broj članova i
- c) ukupan iznos članarine koju je primila politička stranka i ukupan broj članova.

Član 19.
(Prilozi fizičkih lica)

(1) U Obrazac 3.2., *Prilozi fizičkih lica*, unose se sljedeći podaci:

- a) naziv organizacionog dijela političke stranke,
- b) ime i prezime donatora,
- c) broj potvrde iz člana 6. ovog pravilnika,
- d) datum prijema priloga,
- e) iznos priloga i
- f) ukupan iznos svih priloga fizičkih lica.

(2) Podaci o donatoru sadrže sljedeće podatke: ime i prezime, jedinstveni matični broj, broj ličnog dokumenta i adresa i mjesto prebivališta.

(3) Podaci iz stava (2) ovog člana se unose u aplikaciju i koriste u svrhu utvrđivanja identiteta donatora prilikom kontrole finansijskih izvještaja političkih stranaka. Jedinstveni matični broj, broj ličnog dokumenta, adresa i mjesto prebivališta donatora neće biti dostupni javnosti.

Član 20.
(Prilozi pravnih lica)

(1) U Obrazac 3.3., *Prilozi pravnih lica*, unose se sljedeći podaci:

- a) naziv organizacionog dijela političke stranke,
- b) naziv pravnog lica,
- c) broj potvrde iz člana 6. ovog pravilnika,
- d) datum prijema priloga,
- e) iznos priloga i
- f) ukupan iznos svih priloga pravnih lica.

(2) Podaci o donatoru sadrže sljedeće podatke: naziv pravnog lica, identifikacioni broj i sjedište donatora.

(3) Podaci iz stava (2) ovog člana se unose u aplikaciju i koriste u svrhu utvrđivanja identiteta donatora prilikom kontrole finansijskih izvještaja političkih stranaka.

Član 21.
(Prihodi od imovine u vlasništvu političke stranke)

U Obrazac 3.4., *Prihodi od imovine u vlasništvu političke stranke*, unose se sljedeći podaci:

- a) naziv organizacionog dijela političke stranke,
- b) vrsta imovine na osnovu koje se ostvaruju prihodi,
- c) korisnik imovine političke stranke,
- d) broj ugovora, odluke, rješenja itd. (Centralna izborna komisija BiH može zatražiti da politička stranka dostavi kopije ovih dokumenata) i
- e) iznos ostvarenog prihoda.

Član 22.
(Dobit pravnih lica u vlasništvu političke stranke)

U Obrazac 3.5., *Dobit pravnih lica u vlasništvu političke stranke*, unose se sljedeći podaci:

- a) naziv organizacionog dijela političke stranke,
- b) naziv pravnog lica,
- c) identifikacioni broj dobijen od nadležnog poreznog organa,
- d) šifra i naziv djelatnosti pravnog lica,
- e) učešće političke stranke u vlasništvu (%),
- f) iznos dobiti koja je prenesena političkoj stranci i
- g) datum prijenosa dobiti.

Član 23.
(Nenovčane donacije i računi koje politička stranka nije imala obavezu platiti)

(1) U Obrazac 3.6., *Nenovčane donacije i računi koje politička stranka nije imala obavezu platiti*, unose se sljedeći podaci:

- a) naziv organizacionog dijela političke stranke,
- b) ime i prezime/naziv donatora,
- c) vrsta poklona ili usluge,
- d) datum primljenog poklona ili usluge,
- e) ukupna vrijednost robe ili usluge,
- f) vrijednost koju politička stranka nije imala obavezu platiti i
- g) ukupan iznos nenovčanih donacija.

(2) Podaci o fizičkom licu/donatoru sadrže sljedeće podatke: ime i prezime, jedinstveni matični broj, broj ličnog dokumenta i adresa i mjesto prebivališta.

(3) Podaci iz stava (2) ovog člana se unose u aplikaciju i koriste u svrhu utvrđivanja identiteta donatora prilikom kontrole finansijskih izvještaja političkih stranaka. Jedinstveni matični broj, broj ličnog dokumenta, adresa i mjesto prebivališta donatora neće biti dostupni javnosti.

(4) Podaci o pravnom licu/donatoru sadrže sljedeće podatke: naziv pravnog lica, identifikacioni broj i sjedište donatora.

(5) Podaci iz stava (4) ovog člana se unose u aplikaciju i koriste u svrhu utvrđivanja identiteta donatora prilikom kontrole finansijskih izvještaja političkih stranaka.

Član 24.
(Prihodi iz budžeta)

(1) U Obrazac 3.7., *Prihodi iz budžeta*, unose se sljedeći podaci:

- a) naziv organizacionog dijela političke stranke,
- b) naziv nivoa vlasti,
- c) broj i datum odluke,
- d) ukupan iznos prihoda i
- e) ukupan iznos prihoda političke stranke u izvještajnom periodu.

(2) Prihodom iz budžeta smatra se samo prihod definisan članom 3. stav (1) tačka e) i članom 7. Zakona o finansiranju političkih stranaka.

Član 25.
(Prihodi od izdavačke djelatnosti)

U Obrazac 3.8., *Prihodi od izdavačke djelatnosti, prodaje propagandnog materijala i prihodi od organiziranja stranačkih manifestacija*, unose se sljedeći podaci:

- a) naziv organizacionog dijela političke stranke.
- b) vrsta prihoda i to:
 - prihodi od izdavačke djelatnosti.
 - prihodi od prodaje propagandnog materijala.
 - prihodi od organiziranja stranačkih manifestacija.
- c) ukupan iznos ostvarenog prihoda.

Član 26.
(Ostali prihodi)

U Obrazac 3.9., *Ostali prihodi*, unose se sljedeći podaci:

- a) naziv organizacionog dijela političke stranke.
- b) iznos ostalih prihoda.
- c) opis ostalih prihoda i
- d) ukupan iznos ostalih prihoda.

Član 27.
(Rashodi političke stranke)

(1) U Obrazac 4., *Rashodi političke stranke*, unose se sljedeći podaci:

- a) režijsko-administrativni i ostali troškovi (detalji u Obrascu 4.1.).
- b) troškovi propagande (detalji u Obrascu 4.2.) i
- c) ukupni rashodi u izvještajnom periodu po svim osnovama.

(2) Novčana sredstva koja jedan organizacioni dio prenosi drugom organizacionom dijelu unutar političke stranke ne smatra se rashodom i ne iskazuje se u finansijskom izvještaju.

Član 28.
(Režijsko-administrativni i ostali troškovi)

(1) U Obrazac 4.1., *Režijsko-administrativni i ostali troškovi*, (unose se svi troškovi osim troškova propagande) unose se sljedeći podaci:

- a) naziv organizacionog dijela političke stranke.
- b) vrsta troška.
- c) konto i
- d) iznos.

(2) Ako politička stranka ostvari troškove od izdavačke djelatnosti, sticanja propagandnog materijala namijenjenog za prodaju i organiziranja stranačkih manifestacija, dužna je uz Obrazac 4.1. dostaviti posebnu specifikaciju koja će sadržavati: naziv organizacionog dijela političke stranke, iznos i vrstu ostvarenog troška i druge činjenice kojima se dokazuje da je ostvareni trošak nastao u svrhu ostvarivanja prihoda političke stranke.

Član 29.
(Troškovi propagande)

(1) U Obrazac 4.2., *Troškovi propagande*, unose se sljedeći podaci:

- a) naziv organizacionog dijela političke stranke.
- b) vrsta troška i to:
 - 1) troškovi štampanja plakata i plakatiranja.
 - 2) troškovi oglašavanja u štampanim i elektronskim medijima.
 - 3) troškovi internet oglašavanja.
 - 4) troškovi štampanja, umnožavanja i slanja predizbornog materijala biračima.
 - 5) troškovi zakupa sala za predizbornu kampanju.
 - 6) troškovi organizacije i održavanja predizbornih skupova i
 - 7) ostali troškovi propagande;
- c) ukupan iznos.

(2) U smislu troškova štampanja plakata i plakatiranja smatraju se svi troškovi koji su direktno povezani s izradom, pripremom i objavom promotivnih materijala za oglašavanje političkih poruka, uključujući izradu svih vrsta plakata, banera i bilborda, troškove štampanja, troškove distribucije, troškove postavljanja i uklanjanja plakata, kao i sve druge direktne troškove nastale u postupku štampanja i plakatiranja.

(3) U smislu troškova oglašavanja u štampanim i elektronskim medijima podrazumijevaju se troškovi objave i štampanja predizbornih oglasa, proglašenja, saopćenja i drugih promotivnih sadržaja u štampanim medijima, kao i troškovi oglašavanja u elektronskim medijima, uključujući radio i televiziju (oglasi, javni pozivi, spotovi i drugi oblici političke promocije).

(4) U smislu troškova internet oglašavanja podrazumijevaju se troškovi plaćenog oglašavanja i promocije političkih sadržaja putem interneta, uključujući internetske portale, društvene mreže i digitalne platforme (Facebook, YouTube, Instagram, X/Twitter i dr.), aplikacije za razmjenu poruka (Viber i slične), kao i druge oblike digitalnog oglašavanja koji se ne emituju putem radija i televizije.

(5) U smislu troškova štampanja, umnožavanja i slanja predizbornog materijala biračima podrazumijevaju se troškovi materijala koji se šalje na adrese birača poštom ili preko aktivista, dijeli putem štandova i na predizbornim skupovima.

(6) U smislu troškova zakupa sala za predizbornu kampanju podrazumijevaju se troškovi zakupa zatvorenih ili otvorenih prostora (sale, dvorane, domovi kulture, sportske dvorane i slični prostori) koji se koriste za održavanje predizbornih aktivnosti, uključujući sastanke, tribine, promocije i druge oblike predizbornog djelovanja.

(7) U smislu troškova organizacije i održavanja predizbornih skupova podrazumijevaju se troškovi ozvučenja i razglasa, troškovi prijevoza na predizborne skupove, troškovi honorara angažiranih učesnika (voditelji, estradni umjetnici – muzičari, glumci, orkestri, kulturno-umjetnička društva i dr.), kao i drugi troškovi neposredno povezani s organizacijom i održavanjem predizbornih skupova.

(8) Pod ostalim troškovima propagande podrazumijevaju se troškovi nastali u svrhu predizborne kampanje koji nisu obuhvaćeni drugim kategorijama troškova propisanim ovim pravilnikom, uključujući troškove reprezentacije i ugostiteljskih usluga, putne troškove, troškove po osnovu ugovora o djelu za lica angažirana za potrebe predizborne kampanje, troškove goriva, kao i druge slične troškove neposredno povezane s provođenjem predizborne kampanje.

Član 30.

(Podaci o računima dobavljača)

(1) U Obrazac 4.2D, *Podaci o računima dobavljača*, unose se sljedeći podaci:

- a) naziv organizacionog dijela političke stranke.
- b) vrsta troška.

- c) naziv dobavljača/izvršioca usluga i
- d) podaci o dokumentu (račun, ugovor ili drugo) i to:
 - 1) broj i datum dokumenta i
 - 2) iznos.

(2) Centralna izborna komisija BiH može zatražiti da politička stranka dostavi kopiju dokumenata o troškovima propagande (računi, ugovori i drugo).

Član 31. **(Obaveze političke stranke)**

(1) U Obrazac 5. *Obaveze političke stranke*, unose se sljedeći podaci:

- a) Obaveze političke stranke po kreditima i pozajmicama (detalji u Obrascu 5.1.), i to:
 - 1) naziv organizacionog dijela političke stranke,
 - 2) naziv davaoca kredita ili pozajmice,
 - 3) iznos kredita ili pozajmice,
 - 4) datum realizacije kredita ili pozajmice,
 - 5) visina rate,
 - 6) rok vraćanja kredita ili pozajmice i
 - 7) iznos obaveze po osnovu kredita ili pozajmice na određeni dan.
- b) Ostale obaveze (detalji u Obrascu 5.2.), i to:
 - 1) naziv organizacionog dijela političke stranke,
 - 2) naziv povjerioca ili obaveze,
 - 3) datum nastanka obaveze i
 - 4) iznos obaveze na određeni dan.

(2) U Obrazac 5.2. *Ostale obaveze* unose se podaci o obavezama političke stranke po sljedećim osnovama: neizmirene obaveze prema dobavljačima (fizičkim i pravnim licima), obaveze po osnovu plata i naknada, poreza, doprinosa i drugo.

(3) Centralna izborna komisija BiH može zatražiti da politička stranka dostavi kopije dokumenata o dugovanjima po osnovu kredita, pozajmica ili nekom drugom osnovu.

POGLAVLJE V - KONTROLA FINANSIJSKIH IZVJEŠTAJA

Član 32. **(Revizija finansijskog izvještaja)**

(1) Pregled i kontrolu finansijskih izvještaja iz članova 3. i 7. ovog pravilnika i reviziju finansiranja političkih stranaka u skladu sa Zakonom o finansiranju političkih stranaka obavlja Služba za reviziju finansiranja političkih stranaka (u daljnjem tekstu: Služba za reviziju).

(2) Revizija finansijskog izvještaja obavlja se radi davanja mišljenja o tome da li je politička stranka postupala u skladu s odredbama Zakona o finansiranju političkih stranaka i Poglavlja 15. Izbornog zakona BiH. Revizija se obavlja u skladu sa standardima revizije.

Član 33. **(Služba za reviziju)**

(1) Prilikom pregleda finansijskih izvještaja, Služba za reviziju, između ostalog, utvrđuje:

- a) da li je izvještaj podnesen na propisanim obrascima iz ovog pravilnika,
- b) da li su obrasci pravilno popunjeni.

- c) da li su obrasci potpuni (sveobuhvatni).
- d) da li izvještaj obuhvata sve poslovne promjene.
- e) da li su analitičke evidencije tačno sabrane.
- f) da li su podaci u izvještaju pravilno razvrstani po obrascima i
- g) da li je izvještaj dostavljen pravovremeno, odnosno u propisanom roku.

(2) Pregled, kontrola i revizija finansijskih izvještaja obavlja se u skladu s Pravilnikom o administrativnim procedurama pregleda, kontrole i revizije finansijskih izvještaja političkih stranaka.

Član 34. **(Dobrovoljno otklanjanje nepravilnosti)**

(1) Ako Centralna izborna komisija BiH smatra da politička stranka nije postupila u skladu s odredbama Zakona o finansiranju političkih stranaka, odredbama Poglavlja 15. Izbornog zakona BiH i ovog pravilnika, prije izricanja kazne ili preduzimanja administrativne mjere, nastojat će postići da politička stranka, za koju je ustanovljeno da je prekršila odredbe navedenog zakona i ovog pravilnika, dobrovoljno postupi i otkloni uočene nepravilnosti, ako su one otklonjive.

(2) Centralna izborna komisija BiH može početi istragu ili preduzeti odgovarajuće mjere samostalno ili po uloženom prigovoru.

Član 35. **(Sankcije i administrativne mjere)**

Ako politička stranka ne postupi na način utvrđen u članu 34. stav (1) ovog pravilnika, a utvrdi se da je prekršila odredbe Zakona o finansiranju političkih stranaka, Poglavlja 15. Izbornog zakona BiH i ovog pravilnika, Služba za reviziju predložit će Centralnoj izbornoj komisiji BiH da političkoj stranci izrekne sankciju ili preduzme odgovarajuću administrativnu mjeru.

POGLAVLJE VI - NAČIN PRISTUPA JAVNOSTI INFORMACIJAMA KOJE SU SADRŽANE U IZVJEŠTAJIMA O PREGLEDU I REVIZIJI I FINANSIJSKIM IZVJEŠTAJIMA POLITIČKIH STRANAKA

Član 36. **(Finansijski izvještaji)**

(1) Godišnji finansijski izvještaji političkih stranaka koji su podneseni Centralnoj izbornoj komisiji BiH objavljuju se na web-stranici Centralne izborne komisije BiH u roku od 30 (trideset) dana od isteka roka propisanog za podnošenje izvještaja.

(2) Izvještaj o prometu posebnog računa za finansiranje izborne kampanje, s podacima o izvorima novčanih i nenovčanih donacija, podacima o svim troškovima (rashodima) izborne kampanje, kao i računima dobavljača i izvršilaca usluga objavljuje se na internetskoj stranici Centralne izborne komisije BiH tri dana prije dana održavanja izbora.

(3) Postizborni finansijski izvještaji svih političkih stranaka koje su učestvovalе na izborima, a koji su podneseni Centralnoj izbornoj komisiji BiH, objavljuju se na internetskoj stranici Centralne izborne komisije BiH u roku od 30 (trideset) dana od isteka propisanog roka za podnošenje izvještaja.

(4) Centralna izborna komisija BiH na svojoj internetskoj stranici objavljuje podatke o maksimalno dozvoljenom iznosu troškova kampanje u skladu s Izbornim zakonom BiH i podatke o troškovima kampanje koji su iskazani u postizbornim finansijskim izvještajima političkih stranaka.

Član 37.
(Izveštaj o reviziji)

Izveštaji o pregledu i reviziji s mišljenjem i nalazom revizora o finansijskom izveštaju i finansiranju političke stranke u skladu sa Zakonom o finansiranju političkih stranaka objavljuje se na web-stranici Centralne izborne komisije BiH. Saopćenje o izvršenom pregledu i reviziji finansijskih izveštaja političkih stranaka objavljuje se u „Službenom glasniku BiH“.

POGLAVLJE VII - ZAVRŠNE ODREDBE

Član 38.
(Upotreba izraza u muškom i ženskom rodu)

Riječi koje su radi preglednosti u ovom pravilniku navedene u jednom rodu bez diskriminacije se odnose i na muški i na ženski rod.

Član 39.
(Prestanak primjene)

(1) Danom stupanja na snagu ovog pravilnika, prestaju da važe Pravilnik o godišnjim finansijskim izveštajima političkih stranaka („Službeni glasnik BiH“, broj 96/13, 89/16, 5/22 i 31/24) i Pravilnik o predizbornim i postizbornim finansijskim izveštajima i izveštajima o prometu posebnog računa za finansiranje izborne kampanje političkih stranaka („Službeni glasnik BiH“ broj 31/24).

(2) Postupci započeti prije stupanja na snagu ovog pravilnika završit će se prema odredbama koje su bile na snazi u vrijeme započinjanja istih.

Član 40.
(Stupanje na snagu)

Ovaj pravilnik stupa na snagu danom donošenja, a objavit će se u „Službenom glasniku BiH“, „Službenim novinama Federacije BiH“, „Službenom glasniku RS“, „Službenom glasniku Brčko distrikta BiH“ i na internetskoj stranici Centralne izborne komisije BiH.

Broj: 03-02-2-333-1/26
Sarajevo, 26. 2. 2026. godine





Šifra političke stranke

Naziv fin. izvještaja

Izvještajni period

Obrazac 1

OPĆI PODACI O POLITIČKOJ STRANCI

Naziv političke stranke (kako je registrovana u nadležnom sudu)	
Skraćeni naziv	
Sjedište	
Adresa	
Telefon	
Faks	
E-mail adresa	
Web adresa	
Identifikacioni broj	
Šifra djelatnosti	
Sud u kojem je izvršena registracija	
Broj i datum upisa u sudski registar	
Broj zaposlenih u političkoj stranci	

Lica ovlaštena za zastupanje političke stranke

Ime i prezime	Dužnost u stranci	Adresa

Ovlašteno lice za finansijske izvještaje

Ime i prezime	Adresa	E-mail adresa	Telefon (fiksni/mobilni)

Politička stranka ima organizacione dijelove nižeg nivoa (entitetske, kantonalne, gradske, općinske)?

DA

NE

(Mjesto i datum)

M. P.

(Potpis ovlaštenog lica)



Obrazac 1.1.

Opći podaci o političkoj stranci – teritorijalna organizacija političke stranke

Naziv političke stranke: _____

Red. br.	Naziv organizacionog dijela	Adresa	Telefon/faks

(Mjesto i datum)

M. P.

(Potpis ovlaštenog lica)

(Potpis ovlaštenog lica)



Obrazac 2.1.

Pregled prometa blagajne

Naziv političke stranke: _____

Red. br.	Naziv organizacionog djela	Saldo na dan _____	Ukupan promet ulaza	Ukupan promet izlaza	Saldo na dan _____

(Mjesto i datum)

M. P.

(Potpis ovlaštenog lica)



Obrazac 3

IZVORI FINANSIRANJA

Naziv političke stranke: _____

Ukupni prihodi političke stranke

1. Članarine (detalji na obrascu 3.1.)

Ukupno naplaćeno _____ KM od _____ članova

2. Prilozi fizičkih lica i članova političke stranke (detalji na obrascu 3.2.)

Ukupno naplaćeno _____ KM

3. Prilozi pravnih lica (detalji na obrascu 3.3.)

Ukupno naplaćeno _____ KM

4. Prihodi od imovine u vlasništvu političke stranke (detalji na obrascu 3.4.)

Ukupno ostvareno _____ KM

5. Dobit pravnih lica u vlasništvu političke stranke (detalji na obrascu 3.5.)

Ukupno naplaćeno _____ KM

6. Nenovčane donacije i računi koje politička stranka nije imala obavezu platiti (detalji na obrascu 3.6.)

Ukupno ostvareno _____ KM

7. Prihodi iz budžeta (detalji na obrascu 3.7.)

Ukupno naplaćeno _____ KM

8. Prihodi od izdavačke djelatnosti, prodaje propagandnog materijala i prihodi od organiziranja stranačkih manifestacija (detalji na obrascu 3.8.)

Ukupno ostvareno _____ KM

9. Ostali prihodi u izvještajnom periodu (detalji na obrascu 3.9.)

Ukupno _____ KM

Ukupni prihodi političke stranke u izvještajnom periodu: _____ KM

(Mjesto i datum)

M. P.

(Potpis ovlaštenog lica)

Obrazac 3.1.

Članarine

Naziv političke stranke: _____

Red. br.	Naziv organizacionog dijela političke stranke	Iznos članarine	Broj članova koji su platili članarinu
UKUPNO:			

(Mjesto i datum)

M. P.

(Potpis ovlaštenog lica)

Obrazac 3.2.

Prilozi fizičkih lica

Naziv političke stranke: _____

Red. br.	Naziv organizacionog dijela političke stranke	Ime i prezime donatora	Broj potvrde iz člana 6. Pravilnika	Datum	Iznos priloga	Napomena:
UKUPAN IZNOS PRILOGA:						

(Mjesto i datum)

M. P.
(Potpis ovlaštenog lica)

Образак 3.3.

Prilozi pravnih lica

Naziv političke stranke: _____

Red. br.	Naziv organizacionog dijela političke stranke	Naziv pravnog lica	Broj potvrde iz člana 6. Pravilnika	Datum	Iznos priloga	Napomena:
UKUPAN IZNOS PRILOGA:						

(Mjesto i datum)

M. P.
(Potpis ovlaštenog lica)



Obrazac 3.4.

Prihodi od imovine u vlasništvu političke stranke

Naziv političke stranke: _____

Red. br.	Naziv organizacionog dijela političke stranke	Vrsta imovine na osnovu koje se ostvaruju prihodi	Korisnik imovine političke stranke	Broj ugovora, odluke, rješenja itd.*	Iznos ostvarenog prihoda
UKUPNO:					.

* Centralna izborna komisija BiH može zatražiti da politička stranka dostavi kopije ovih dokumenata

(Mjesto i datum)

M. P.

(Potpis ovlaštenog lica)

Obrazac 3.5.

Dobit pravnih lica u vlasništvu političke stranke

Naziv političke stranke: _____

Red. br.	Naziv organizacionog dijela političke stranke	Naziv pravnog lica	Identifikacioni broj	Šifra i naziv djelatnosti pravnog lica	Učešće političke stranke u vlasništvu (%)	Iznos dobiti koja je prenesena političkoj stranci	Datum
UKUPNO:							

(Mjesto i datum)

M. P.

(Potpis ovlaštenog lica)



Obrazac 3.6.

Nenovčane donacije i računi koje politička stranka nije imala obavezu platiti

Naziv političke stranke: _____

Red. br.	Naziv organizacionog dijela političke stranke	Ime i prezime/Naziv donatora	Vrsta poklona ili usluge	Datum primljenog poklona ili usluge	Ukupna vrijednost robe ili usluge	Vrijednost koju politička stranka nije imala obavezu platiti
UKUPNO:						

(Mjesto i datum)

(Potpis ovlaštenog lica)

M. P.



Obrazac 3.7.

Prihodi iz budžeta

Naziv političke stranke: _____

Red. br.	Naziv organizacionog dijela političke stranke	Nivo vlasti	Broj i datum odluke	Ukupan iznos prihoda
U K U P N O:				

(Mjesto i datum)

M. P.

(Potpis ovlaštenog lica)

Obrazac 3.8.

Prihodi od izdavačke djelatnosti, prodaje propagandnog materijala i prihodi od organiziranja stranačkih manifestacija

Naziv političke stranke: _____

Red. br.	Naziv organizacionog dijela političke stranke	Prihodi od izdavačke djelatnosti	Prihodi od prodaje propagandnog materijala	Prihodi od organiziranja stranačkih manifestacija	Svega (3+4+5)
1	2	3	4	5	6
	UKUPNO:				

(Mjesto i datum)

M. P.

(Potpis ovlaštenog lica)

Obrazac 3.9.

Ostali prihodi

Naziv političke stranke: _____

Red. br.	Naziv organizacionog dijela političke stranke	Iznos ostalih prihoda	Opisno ostali prihodi
UKUPNO:			

(Mjesto i datum)

M. P.

(Potpis ovlaštenog lica)



Obrazac 4

RASHODI POLITIČKE STRANKE

Naziv političke stranke: _____

1. Režijsko-administrativni i ostali troškovi _____ KM

2. Troškovi propagande _____ KM

Ukupni rashodi u izvještajnom periodu: _____ KM

(Mjesto i datum)

M. P.

(Potpis ovlaštenog lica)



Obrazac 4.1.

Režijsko-administrativni i ostali troškovi

Naziv političke stranke: _____

Red. br.	Naziv organizacionog dijela političke stranke	Vrsta troška	Konto	Iznos
UKUPNO:				

(Mjesto i datum)

M. P.

(Potpis ovlaštenog lica)

(Potpis ovlaštenog lica)



Obrazac 4.2D

PODACI O RAČUNIMA DOBAVLJAČA

Naziv političke stranke: _____

Red. br.	Organizacioni dio političke stranke	Vrsta troška	Naziv dobavljača/izvršioca usluga	Podaci o dokumentu (račun, ugovor ili dr.)	
				Broj i datum	Iznos
UKUPNO:					

(Mjesto i datum)

M. P.

(Potpis ovlaštenog lica)

Red. br.	Naziv organizacionog dijela političke stranke	Davalac kredita ili pozajmice	Iznos kredita ili pozajmice	Datum realizacije	Visina rate	Rok vraćanja kredita ili pozajmice	Iznos obaveze po osnovu kredita ili pozajmice na dan
UKUPNO:							

5.2. Ostale obaveze:

Red. br.	Naziv organizacionog dijela političke stranke	Povjerilac/obaveza	Datum nastanka obaveze	Iznos obaveze na dan _____
UKUPNO:				

(Mjesto i datum)

M. P.

(Potpis ovlaštenog lica)